

**CASPARIS SAGITTARII
PRIMITIAE
PROFESSIONIS
HISTORICAE. HOC EST,
DISSERTATIO DE...**

Caspar Sagittarius

DISSERTATIONCULA
DE
PRAECIPVIS SCRIPTORIBVS
HISTORIAE GER-
MANICAE

QVA SIMVL
ORATIONEM INAVGVRA-
LEM ET LECTIONES PVBLICAS


DENVNTIAT
M. CASPAR SAGITTARIVS

SS. THEOL. DDVS.
HISTORIAR. PROF. P. ORD.

432.

J E N A.
TYPIS GOLLNERIANIS.
C1D IDC LXXV.





Germanicam non minus Historiam, quam aliarum quarumvis gentium, in precio habendam, & juventutē in solidioris doctrinæ adyta se penetrare cupienti summo studio esse commendandam. consentiens Eruditorum arbitror iudicium. Imo non de fore scio excellentium virorum sententias, rerum Germanarum cogni-

tionem ipsi Romanorum Græcorumque gestorum notitiæ præferentes. Et quidni præferant sua alienis? domesticæ peregrinis? proximiora remotioribus? Cur svisissimus & prope connatus patriæ amor non accendèret mentes ad rimandas Ecclesiarum Germanicarum & civilis regiminis origines, incrementa, mutationes? ad pervestiganda præclarissima Germanorum instituta? ad illustrium Heroum Germanorum facta ornanda, celebranda, deprædicanda? Fit tamen, nescio quomodo, ut hæc ipsa Historia Germanica non ubivis corusco fulgeat splendore; sed alicubi potius in tenebris obërret Cimmeriis; alibi non nisi striculas emittat leviculas. In causas huius neglectus inquirenti varix quidem offeruntur ac multiplices: quarum tamen primaria videtur ipsorum antiquioris ævi Historicorum penuria. Et negari sane nequit, a prima gentis origine ad usque Iulii Cæsaris ætatem pleraque omnia esse in obscuro; nec, si quæ a recentioribus afferuntur, maiorem plerumque mereri fidem, quam commenta gentilium, Assyriorum Regis Nini imperium transgressa. Quæ

vero ab ipſo Cæſare, Vellejo Paterculo, Plinio majore,
 Svetonio Tranquillo, ac ceteris Hiſtoriæ Auguſtæ ſcri-
 ptoribus, ut & a Pomponio Mela, Strabone, Ptolemyo
 aſſeruntur, etiamſi in unum componas, meræ tamen fue-
 rint manſerintque elegantis licet veſtimenti lacinie.
 CORN. quidem TACITO, induſtriæ, acuminis,
 prudentiæ incomparabilis Hiſtorico multum debemus,
 veteris Germaniæ ſitum, populos ac mores ſingulari
 commentario delineanti; ac in Annalibus quoque & Hi-
 ſtoriis Romanorum cum majoribus noſtris bella decan-
 tanti. Nec ſua deſraudandus laude AMMIANVS
 MARCELLINVS, gravis & prudens ſcriptor, & in
 noſtris rebus eo majori dignus fide. quod ipſe adverſus
 Germanos ſtipendia meruerit. Attamen ut ræcam Geo-
 graphiam veterem innumeris tricis. & nodis quaſi Gor-
 diis implicitam; nullius fere belli integrum ex his con-
 xere licebit ordinem: nedum ut de rebus per pacis tran-
 quilla geſtis accuratior ſuperet memoria. Interim ſeli-
 cius naſta fatum Cis-Rhenana Germania: quandoqui-
 dem ejus antiquitates non raro tangant laudati, ſcripto-
 rumque alii. At quæ trans Rhenum poſita Romanis,
 & in Septentrionem pluſculum declinans, atque adeo
 tota, quæ nunc audit inferior Saxonia, ante imperium
 Francorum Carolingicum pertinaci prope veterum da-
 mnatur ſilentio. Cæterum ab iſto tempore ſicuti cum
 novo regimine novum Chriſtianifini lumen per Germa-
 niam eſuſſit; ita hoc quoque auſta beneficio, ut rerum
 in eadem geſtarum ſeries non exquisita quidem, haut
 ſpernenda tamen conſignaretur induſtria. Hinc eſt,
 quod ex EGINHARTI *de Vita Caroli Magni* libello;
 ex ejusdem EGINHARTI *Annalibus*, Adelfino vel A-
 demaro monachis perperam vulgo tributis; ex THE-
 GANI Trevirenſis Eccleſiæ Chorepiſcopi *vita Ludovi-
 ci Pii*, & alio quodam *vite Ludoviciana* ſcriptore; ex NI-
 THARDI libro *de diſſidio filiorum Pii illius Ludovici*; ex
 ANNALIBVS FRANCORVM METIS, ac aliis

liis FVL DÆ repertis, & pluribus istiusmodi Commentariolis, multa possumus exsculpere historiam ejus ævi Germanicam non parum illustrantia.

Non incommodam, nec recenti munere indignam me facturum puto operam, si levi penicillo in præsentī delineavero præcipuos sequentium seculorum scriptores, qui vel unice elaborarunt in historia Germanica; vel symbolam non mediocrem eo contulere: alias, divina adiutus gratia, uberius de eo acturus atq; exquisitius. Ex seculo igitur a nato Salvatore X. præcipue huc spectant REGINO, PRVMIENSIS cœnobii in diœcesi Trevirensi Abbas: cujus Annalium Appendix aut ROMERIVM habet auctorem, aut Romerio excerpta tradit. LVITHPRANDVS, primo Ticinensis Ecclesiæ Diaconus, deinceps Cremonensis Episcopus, Historia *de rebus suo tempore per Europam gestis* non incelebris. WITICHINDVS, monachus CORBEIENSIS, in Henrici Aucupis ac Ottonis I. DITMARVS MERSBVRGENSIS Episcopus in eorundem, ut & Ottonum II. & III. maxime vero in Henrici II. imperio (qua ratione & Ditmarum sequenti computare possis seculo) occupati. Scilicet horum labor quamvis rudis sit quandoque & informis, in meliorum tamen defectu ipsa ferme impolitia sua afficit lectorem ac demulcet.

Habet porro æræ Christianæ seculum XI. WIPONEM Presbyterum, *Vita Conradi Salici* auctorem. HERMANNVM monachum Augiensem, illustri Comitum Veringensium prosapia natum, quod membris esset contractis, nomen *Contracti* adeptum: cujus Chronicon continuavit BERTHOLDVS Constantiensis Presbyter, ultra quam par erat, Henrico IV. insensus. Atque in eundem impegisse lapidem, opinor, LAMBERTVM SCHAFFNABVRGENSEM cœnobitum Herolsfeldensem, Virum alioquin supra captum ævi prudentem & facundum. Quæ vero in Pistoriana editione reperiuntur *Monachi* cujusdam *Erphesfordiensis*

Additiones bonam partem respondent Ms. meo Antiqui-
taum Erfurtensium Variloquo, cuius possessor olim fuit ge-
 nere non minus, quam multijuga doctrina, longo re-
 rum usu, doctisque scriptis nobilissimus Johannes Wil-
 helmus Neumeier a Ramsla. Odio autem plusquam
 Vatiniano laudari Cæsaris Henrici IV. flagrat BR V-
 NO Monachus, scripto virulento *historiam belli Saxonici*
 complexo. Henrici quidem juvenilia, ac impetum in Sa-
 xones meos non excuso: iniquum tamen fuerit quibus-
 vis Hildebrandi, sociennorumve calumniis subscribere.
 Et hoc movit quoque Marquardum Freherum, cur Bru-
 noni velut antidoti loco subjiceret *Apologeticum*, quem
de Unitate Ecclesie conservanda, & schismate inter Henricum ac
Gregorium Papam affectus sui monumentum exstare vo-
 luit, seu VENERICVS Vercellensis, seu WAL-
 TRAMVS Numburgensis Episcopus, vel etiam quo-
 rundam iudicio, CONRADVS, præsul Ultrajectinus.
 Et ut reliquos, qui pro Henrico IV. scripsere, a Goldasto
 editos præteream, eidem haut obscure favet SIGE-
 BERTVS, monachus GEMBLACENSIS in Bra-
 bantia: cuius Chronico appendices attexuere ROBER-
 TVS MONTENSIS & ANSELMVS GEM-
 BLACENSIS Abbates. Sed Sigeberto ætate paulo pri-
 or est MARIANVS Chronographus, qvi a Scotia in Gal-
 lias veniens (utor verbis Sigeberti) Colonia factus monachus
 primo, postea apud Moguntiam reclusus est. Marianus con-
 tinuationem accepit DODECHINI Abbatis S Dyfi-
 bodi, inter cetera ferales illos tumultus de Investitura
 Episcopali Imperatoribus Romanis a Pontificibus per
 vim & tyrannidem adempta, describentis. Aureolum quo-
 que hoc seculo scriptum est M. ADAMI BREMEN-
 SIS, quo historiam vulgavit Ecclesiasticam de religio-
 ne per diocesin Brementem, & plagam septentrionalem
 universam a temporibus Caroli M. usque ad Henricum
 IV. propagata.

Secu-

Seculo XII. virtute juxta ac felicitate sua meruit Fridericus I. vulgo Barbarossa dictus. ut historiam vitæ concinnaret OTTO FRISINGENSIS Episcopus, Leopoldo Austriæ Marchioni natus: a quo etiam habemus *Chroniconum libros VIII.* quorum posteriores duo, *quia recentis memoriae sunt* (sic ipse scribit Otto) *a probabilibus viris tradita, vel ab ipso visa & audita ponunt.* Istorum filium alius produxit OTTO, qui a monasterio S. Blasii SAN-BLASIANVS audit, in Ottone IV. finiens. Quod autem Frisingensi Ottone morte prævento Fridericianum opus absolvere non fuit integrum, accepta quasi lampade reliquum spatii decurlurus, duobus ejus libris alteram bigam adjevit RADEVICVS FRISINGENSIS Canonicus: qui cum & ipse ante Fridericum decederet, alius undecim annos addidit. Huic Friderico Imperatori æque ac antecessori Conrado III. a sacris scriniis erat GODEFRIDVS VITERBIENSIS Presbyter, qui quadraginta annorum peregrinatione qua plurimas excussit bibliothecas, magnam sibi rerum lingvarumque cognitionem paravit. Hujus Chronicon universale, quod *Pantheon* a Diis terrestribus inscripsit, quo propius ætati auctoris accedit eo clarius quandoque Germanicis historiis affundit lumen. Nec aspernandum est LAVRISHAMENSE CHRONICON ultra cœnobium suum aliquoties assurgens. Eodem seculo *Chronica Slavorum* contexuit HELMOLDVS Presbyter Bosoviensis, de gentibus Transalbingicis, quæ Christiana religione tum imbutæ, bene meritis. Premitt hujus vestigia ARNOLDVS Abbas Lubecensis: ac utrumque lectissimis annotationibus illustravit optimus meique amantissimus Præceptor Henricus Bangertus, *ò vñ p̃v d̃yōic.*

Ad seculum XIII. pedem si proferimus, obviam nobis fit AVCTOR CHRONICI MONTIS SERENI, qui per Freherianas, Meibomianasque manus ambulans, non nisi Cl. Maderi dextra in lucem mitti voluit. Occur-

currit deinceps CONRADVS a Lichtenau, Abbas
VRSPERGENSIS: quem tamen alteri, siue in
Schvartzachensi, siue quod aliud coenobio nomen, vi-
tam degenti, nonnulla potius addidisse, quam integrum,
ut nunc habemus, Chronicon perfecisse, credibile est. Ha-
buit sane *Sauvages* noster Bosius non ignobile MS. unde
Conradum sua sublegisse opinabatur. Prodeunt eti-
am in conspectum GODEFRIDVS COLONI-
ENSIS ad S. Pantaleonem monachus, non indiligens
Annalium conditor. ALBERTVS Abbas STA-
DENSIS, in prioribus quidem Chronici Herman-
num Contractum, Adamum Bremensem, & nonnullos
exscribens alios: sed ad suam ætatem vergens, quod ac-
curatori Chronologiæ deest, quibusdam singularibus
compenians: item MARTINVS, quem POLO-
NV M plerique nuncupant, sed Italum alii, quidam
Scotum, nonnulli & Gallum perhibent: cuius Mss. (quo-
rum & unum Bibliotheca servat Academica) in Appen-
dicibus præsertim, mire variant: id quod nova, quam
Maderus molitur, editio demonstrabit. Dicerem hic
aliquid de VINCENTII BELLOVACENSIS
Episcopi *Historialis Speculo*, nisi perspectum haberem, a
multis parum æstimari.

Circa seculi XIV. exordium SIFFRIDVS Prsbyter M I-
SNENSIS, & EBERHARDVS Archidiaconus RA-
TISBONENSIS florere. At istum tanti non cen-
suit, quem integrum ederet Fabricius: sed posteriorum
temporum epitomam subiunxit Historiæ Saxoniciæ: e-
andemque in Scriptoribus Germanicarum rerum a se e-
ditis comparare voluit Pistorius. Hujus autem de *Austrie*,
Sueviæque Ducibus Annales ab Henrico Canisso in *Antiquis*
Lectioibus divulgatos, HENRICI STERONIS
Chronico (hoc VDALRICVS & CONRADVS WEL-
LINGI fratres continuarunt) plurima debere, non iniu-
ria suspicatur Vossius. Medio seculo claruit HENRICVS
REBDORFIENSIS monachus, in primis Ludovici Cæ-
saris

faris Boiarica domo oriundi gesta Annalibus illustrans,
 Supparis ætatis scriptor est ALBERTVS AR-
 GENTINENSIS: cujus Chronicon non pauca aliis
 indicta, vel non adeo plane pleneque explicata memo-
 rat. Atque hoc ipso seculo reviviscere paululum cœ-
 perunt a tanto temporis intervallo emortuæ humanio-
 res literæ: unde etiam historia caput quadamtenus ex-
 tollere annixa, maioribus ausis id tentavit seculo sequen-
 ti. Et quamvis pauci Historicorum cōproveci, ut pos-
 sit omnibus lecoris nitorem veterum latinæ linguæ scri-
 ptorum referrent; aliqui tamen propius eidem accesser-
 runt: reliquis majori saltem, quam hactenus receptum,
 studio describendis rebus memorabilibus intentis. Multa
 igitur pulchra & utilia rerum Germanicarum cognove-
 rimus ex HERMANNI DELERBEKE *Chronico*
Comitum Schorvenburgensium; ex ANDRÆ Presby-
 teri RATISPONENSIS *Chronico de Ducibus Bo-*
jarie; ex GOBELINI PERSONÆ Decani Bilsfeldi-
 ensis *Cosmodromio*; ex INCERTI AVCTORIS *Hi-*
storia de Landgraviis Thuringie; ex ANONYMI MO-
 NACHINVSSIENSIS *Magno Chronico Belgico*,
 ex WERNERI ROLEVINCKE LAER *Fasci-*
culo Temporum, ut & libello *de gloria gentis Westphalica*; ex
 SIGISMUNDI GROSSENBRÖT *Chronico Au-*
gustano Ecclesiastico; ex HARTMANNI SCED-
 ELII *Chronico Norimbergensi*; ex JACOBI WIMPFE-
 LINGII *Epitoma Rerum Germanicarum*; ex CONRÄ-
 DI CELTIS libello *de situ & moribus Germaniæ*. Nec for-
 san aberravero, si his ÆNÆ SYLVII (id nomi-
 nis erat, ante Pontifex quam crearetur, Pio II.) *Bojemica*
 & *Bajileensis Concilii historia* addidero.

At enim superiori seculo uti omnes aliæ artes ac di-
 sciplinæ, ita studia quoque historica vim ac vigorem ge-
 nuinum impetrarunt. Non omnibus quidem obligit

ad arcem purioris eloquentiæ ac ceterarum Historici perfecti dotium eniti : aliqui tamen id sunt assecuti, qui omnem antiquitatem potuissent provocare. Mei nunc non est instituti hos distinguere, sed opella modo extemporanea enumerabo, quos in Historia Germanica præcipuos memoria suggererit. Et ad seculi exordium, quamvis proximo jam scribere cœperint, referre placet JOHANNEM TRITTENHEMIVM, prius Spanheimensem, post Abbatem Wirzburgensem, cujus *Spanheimense*, & quod integrum nondum prodiit, *Hersaugiense Chronica*, supra tot alias lucubrationes, incredibilis industriae testes sunt. JOHANNEM NAVCLERVM, nobilem Svevum, Tubingensis Academiae Rectorem primum: in cujus Chronico disponendo, augendo, retexendo communis Germaniæ Præceptor, Melanchthon desudavit. ALBERTVM KRANTZIVM, Hamburgensem Canonicum, in *Saxonia*, *Vandalia*, ac *Aetropoli* universæ propemodum Germaniæ statum ab antiquissimis temporibus ad ævum suum repetentem; simul tamen vetustiores, Helmoldum cum primis, Arnoldum & Gobelinum longis lineis exscribentem. PAVLVM LANGIVM monachum, *Chronico Cisticensi* quo & nascenti Megalandri Lutheri gloriæ favet, egregias laudes meritum. Hos excipiant HENRICVS BEBELIVS, Professor Tubingensis, qui varios de rebus Germanicis libellos, Gesnero, Vosio aliisque laudatos concinnavit. ERASMVVS STELLA, qui duos de *Antiquitatibus Borussiae* libros Friderico II. Sapienti, Electori Saxonie obrulit. FRANCISCVS IRENICVS, Ettelingiacensis, cujus exstat *Germania* descriptio, sive, ut ipse vocat, *Exegesis* in XII. libros partita. JOHANNES CVSPINIANVS, Maximiliani I. Medicus ac Orator, Historiæ Cæsarum Scriptor maxime insignis. CONRADVS PEVTINGERVS, Senator Augustanus, in *Sermonibus Convivalibus* multa exponens ad Germaniæ antiquitates pertinentia. BILIBALDVS

VS PIRCKHEIMERVS, Patricius Norim-
 ergensis, Maximiliano I. ac Carolo V. a consiliis, in
 eus *Germania* explicatione prolixam eruditionem osten-
 dens. WOLFGANGVS LAZIVS, ex Medico
 æsareo a Ferdinando I. non solum in consilium, sed e-
 am ob egregia erga se ac Remp. literariam merita in or-
 nem equestrem allectus. In quo de Germanicis quo-
 ue præclare merendi voluntatem probes, si fortassis in
 opere de *Gentium migrationibus* non æque felix semper re-
 spondit successus. BEATVS RHENANVS, qui
 anno MDXXXI. emisit luculentos rerum Germanica-
 rum commentarios. JOHANNES AVENTI-
 IVS, felix *Annalium Bojorum* scriptor, in paupercula &
 nerosâ uxore infelicissimus. GEORGIVS SPA-
 LATINVS, Electori Saxoniz Friderico a secretis, &
 Johanni Electori a sacris, non modo in Historia Saxo-
 nica, sed etiam in tabulariis singulari cum industria ver-
 satus. PHILIPPVS MELANCHTHON, vel
 propter *Carionis Chronicon*, ab incomparabili, si religio-
 nem demas, genere, CASPARE PEVCERO con-
 tinuatum, hic memorandus. HVLDAICVS
 MVTIVS, libris XXXI. de *Germanorum prima origine*,
moribus, institutis, legibus, & memorabilibus bello ac pace gestis
 abdita non pauca in apicem proferens. SEBASTI-
 ANVS MVNSTERS, Strabo Germanorum ob
Cosmographiam luculentam vocatus. JOHANNES
 SLEIDANVS, *Commentariorum de Statu religionis &*
Reipubl. regnante Carolo V. exactæ fidei & diligentiz scrip-
tor. MATTHIAS FLACIVS Illyricus, Centuria-
 torum Magdeburgensium præcipuus ἐξγηδιώτης, & in
 his Centuriis Ecclesiasticam Germaniz Historiam singu-
 lariter illustrans. HVBERTVS THOMAS LE-
 ODIVS elegantissimus ac prudentissimus *vizæ Friderici*
II. Palatini scriptor. HENRICVS PANTALEON,
 Basileensis, qui *Prosopographia Heroum atque illustrium vir-
 yum totius Germaniæ inclauis.* GEORGIVS FABRI-

CIVS Chemnicensis. ad scribendam *Historiam Misnico Saxonicam* honorifico elogio & singulari Magnatum liberalitate excitus. MARTINVS CRVSVS, cui *Annales Suevis*, perinde ac perfecta Græcæ literaturæ cultura immortale nomen peperere. CASPAR BRVSCIIVS, cujus conatus in *Episcopatum ac Monasteriorum Germaniæ historia* probandi. HERMANNVS HAMELMANNVS, rerum Westphalicarum ac Oldenburgensium curiosus. CYRIACVS SPANGENBERGIVS, *Hennebergensi*, *Alansfeldensi*, *Quersuriensi* JOHANNES LETZNERVS *Dasselensi* & *Corbejensi* Chronicis germanico idiomate confectis non mediocre famam meriti. PETRVS ALBINVS: cujus in rebus Misnicis admirandam suspicio industriam. WILGVLEVS HVND, genere ac munere nobilissimus, sed recondita eruditione, quam *Metropolis Saluburgensis* & *Genealogie Bojarice volumina duo* declarant, nobilior. DAVID CHYTRÆVS, qui tot Principum, tot doctorum virorum memoriam in Herculeo *Saxonia* opere ab oblivione asseruit. MATTHÆVS DRESSERVS, cujus *Isagoge Historica* in Germanicis etiam bonæ frugis plena est. SIMONISCHARDIO Jureconsulto non parum itidem debemus, quod complura scripta res Germanicas concernentia aliquot tomis digesta publicavit. At longe majores debentur gratiæ REINERO REINECCIO, JVSTOREVBERO, JOHANNI PISTORIO, CHRISTIANO VRSTISIO, MARQVARDO FREHERO, HENRICO MEIBOMIO, ERPOLDO LINDENBROGIO, MELCHIORI GOLDASTO, HENRICO CANISIO, JOACHIMO JOHANNI MADERO: quod vetustiora, selectiora, atque adeo preciosa magis incredibili studio collecta cum erudito orbe communicare, ac plerique præterea elegantissimis scriptis *Historiam Germanicam* illustrare voluerint.

Cc-

Ceterum quia hi plerique præsens attingere seculum,
 A A D E R V S autem etiamnum (saxit Deus diutissimè)
 loret, coronidis loco nonnullos adhuc asseram, de qui-
 bus partim nostra gloriatur ætas, partim patrum trium-
 phat memoria. Quid Illustris noster S T R A V C H I-
 V S in exquisitis *Juris Publici Dissertationibus Exote-
 icis* Acroamaticarum titulum pridem commertis hoc in
 genere præstiterit, universus loquitur orbis eruditus. De
 H E R M A N N O C O N R I N G I O, at quanto Virò!
 quid dicam? Id dico: satius fore infinita magni rei litera-
 ræ Atlantis de Germanis rebus merita hac scriptiuncula
 facere, quam parce vel incommode didis tanti Patroni
 gloriæ detrudere. J O H A N N I S H E N R I C I B O E-
 C L E R I, quem Forstnerus *recti exactique judicii Virum*
 merito salutat, insperatum ex his terris abitum nondum
 eluxit Germania: probe scilicet conscia, quantis jam tum
 sudoribus in Historia sua elaborarit, ac quid præclari por-
 ro habuerit expectare. Quamobrem eo longiorem vi-
 tam vovebit, qui L E O P O L D O A V G V S T O est a Bi-
 bliotheca & consiliis, Amplissimo Viro, P E T R O L A M-
 B E C I O, Hamburgensi: ut non modo *Historiam Biblio-
 thecæ Cæsareæ*, cujus septimus nuper Tomus prodiit; sed
 cetera quoque in Germanicis molimina felicissime per-
 textat. Vivat quoque ac floreat J O H A N N E S J V-
 S T V S W I N C K E L M A N N V S, & plura ejus ge-
 neris scripta, ac sunt *Historia Hassiaca, & Veteris Westphalia
 Notitia* (ut *Oldenburgensis* præteream) in publicum emit-
 tat. An G A B R I E L B V C E L I N V S Ordinis Be-
 nedictini monachus adhuc fruatur luce, ambigo. Id con-
 stat *Genealogica* ejus ac reliqua in Germanicis Historica
 non parum æstimari. Quantum porro in iisdem *Genea-
 logicis* præstiterint N I C O L A V S R I T T E R S H V-
 S I V S ex Altorffina in cœlestem Academiam paucos
 ante annos receptus; quemque Ecclesiæ ac Reipubl. lite-
 raræ conlervet Deus, P H I L I P P V S J A C O B V S
 S P E N E R V S, nec amplissimis satis extolli potest lau-
 dibus.

1
 dibus. Bigam quoque celebrium Historicorum nostra
 amisit ætas, BERNHARDVM MALLINCRO-
 TIUM. & MARTINVM ZEILERV. Ac ille quidem
 sicuti generoso natalium splendore non indignum judi-
 cavit de *Inventione artis Typographica* commentari; ita hoc
 loco potissimum ob rarissimi argumenti scriptum de *Archicancellariis Germaniæ* commemorandus venit. Alter
 vero, qui longe plurima congescit lingua vernacula, ni-
 hil ferme in Germanicis intentatum reliquit. Qui Patrum
 denique ac avorum memoria in hoc studiorum gene-
 rum summatum non infima florere gloria, sicuti copio-
 sa manus est; ita singulos ordine decenti componere ali-
 us est temporis ac instituti. Nisi autem mea me fallit opi-
 nio, præter FRIDERICVM HORTLEDERUM,
 magnæ doctrinæ, prudentiæ, ac dignitatis Virum, non
 ex rivulis, sed limpidissimis minime fallacium tabulario-
 rum fontibus *historiam belli Smalcaldici* pandentem, eximii
 quoque sunt sequentes. PHILIPPVS CLVVE-
 RIVS ob *antiqua Germaniæ* limatum opus; FRANCIS-
 CVSGVILLIMANNVS & GERARDVS
 DE RHOO in *Austriacis*; NICOLAVS SERRA-
 RIVS in *Moguntinis*; CHRISTOPHORVS BRO-
 WERV in *Trevirensibus & Fuldensibus*; ÆGIDIVS
 GELENIVS in *Coloniensibus*; MARCVS VELSE-
 RV in *Boicis & rebus Augustanis*; VBBO EMMIVS in *Friscis*;
 IOHANNES MICRÆLIVS in *Pomeranicis*;
 CHRISTOPHORUS LEHMANNVS in *Spirensibus*. Atq;
 de hoc ultimo non possum non subungere elegans judi-
 cium Perillustri Baronis Boineburgii, magni dum vive-
 ret litteratorum Patroni, ad Petrum Lambecium anno
 MDCLX. perscriptum. *Lehmannus in Spirensi Historia ple-*
raque Imperii Germanici optime ex idoneis Scriptoribus est pro-
fectus; feliciter nos decipiens, plus dando, quam in superscriptio-
ne promiserat. Debetur enim illi libro titulus major, quam Spira
vel tota comprehendere valeat. Et hæc quidem de potiori-
bus Historiæ Germanicæ Scriptoribus pro tempore
 dicta

diſſa ſunto. Venio nunc ad alterum illud, quod harum
vilyrarum indixit frontiſpiciū. Nimirum poſtquam

SERENISSIMI SAXONIAE DVCEs, MVNIFICENTISSI- MI INCLYTAE HVIVS ACADEMIAE NV- TRITORES

publicam ac ordinariam Hiſto-
iarum Profeſſionem a beato celeberrimi Viri JO-
HANNIS ANDREAE BOSII exceſſu vacantem
caritati meae clementiſſime demandarunt; divina adju-
us gratia, ſedulam dabo operam, ut Spartae exornandae
ntentus, tum ceteras Vniuerſi hiſtorias, tum Germanicas
nprimis, germana fide illuſtrem. Huic fini ſingularem
onſeci libellum *Regni Germanici originis, incrementa ac ſortu-
am variam ad praefens uſque aevum* compendiarie via pro-
ponentem: quem porro uberioribus diſertationibus ex-
planare decrevi. Quandoquidem autem in eo excudendo
dhuc occupatur typographus, non incommodam, nec
ngratam Auditoribus me navaturum ſpero operam, ſi
ae praecipuis Hiſtoriae Germanicae Scriptoris praefenti potiſſi-
mum commentariolo memoratos diſquiſitionem inſti-
uero. Sic enim fiet, ut quae ad illuſtrationem illius li-
celli in poſterum tradentur, radices egerint firmio-
es: nec, ſi quando ſcriptores iſtos in rem praefentem at-
ulerimus, ſemper fuerit opus de eorum auctoritate,
raſtantia, naeviſ longos ſermones facere. Quam ha-
tenus in privatis diatribis ſvaviſſimorum Commilito-
rum erga me perſpexi benevolentia cum pari induſtria
onjuncta, non dubiam facit ſpem, fore ut in publicis de
gemino affectu mihi gratulari liceat: Ante vero quam
publicas auſpicabor lectiones de *Vſitate ex Hiſtoria Germa-
nica capiendi* qualemcunque habiturus ſum oratiuncu-
lam.

Atque

Atque ut illius recitationem **MAGNIFICVS**
DOMINVS RECTOR, CETERIQUE PATRES
ACADEMIÆ, AC CIVES DIVERSARUM DI-
GNITATUM TITULIS EXSPLENDESCENTES,
NEC MINUS GENERE, DOCTRINA, VIRTUTE
FLORENTISSIMA JUVENTUTIS STUDIO-
SÆ CORONA, magnifica, gratiosa ac honorifica
 præsentia crastini hora X. illustrare, ac dicenti be-
 nevolas aures commodare velint, ea quæ par est obser-
 vantix, honoris ac amoris significatione majorem
 in modum rogo. P. ipso Felto Epiphanias Do-
 mini. Anno Æræ Christianæ
 clō lbc LXXV.



